



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

CII. Maronitarum Antistites ob duplicem Patriarchæ electionem antea
dissidentes, quod, præstitâ mandatis Apostolicis obedientiâ, ad unitatem
redierint, collaudentur &c. 11. Augusti.

[urn:nbn:de:hbz:466:1-74696](#)

1744.
Dat. die 11.
August. 1744.

Datum Romæ apud Sanctam Mariam Majorem
sub Annulo Piscatoris die xi. Aug. MDCCXLIV.
Pontificatus Nostri Anno Quarto.

D. Cardinalis Passioneus.

C I I.

Maronitarum Antifites ob duplēm Patriarcha
electionem antea dissidentes, quod, præstā
Mandatis Apostolicis obedientia, ad unitatem
redierint, collaudantur, &c.

Venerabilibus Fratribus, Archiepiscopis, & Epis-
copis Maronitis.

BENEDICTUS PAPA XIV.

Venerabiles Fratres, salutem, & Apostolicam
Benedictionem.

Vetus inter
S. Sedem, &
Maron. Na-
tionem con-
cordia com-
memoratur.

Item provi-
dentiā Pont.,
ad tollen-
dum Schisma
recens con-
flatum.

Antistitūtū
aliorūque
obedientia
commeada-
tur.

Patriarcha
conceditur
Pallium,
aliisque gra-
tia, & fa-
cultates.

Acta omnia
in Consi-
fitorio.

Adhortatio
ad pacis &
religionis
studium.

EXIMII erga Apostolicam Sedem obsequii, exhibitaque obedientia plura semper documenta dederunt Maronitarum Antifites, Vestrīque omnium Ordinum Cives vera tenaces Religionis. Quamobrem Pontifici Maximo præcipuo in amore fuitis, & non unum retulisti ab hac Sanctissima Divi Petri Cathedra beneficentia, studii, amoris argumentum. Hujusmodi vestigiis Nos quoque infetti, non sanè Vobis incompetum fuit in commota istic dudum duplēs Patriarchalis electionis procella, qua Ecclesia Vesta, funestis hisce discordiis non antea exagitata, præceps itura videbatur. Suprema siquidem Nostra auctoritate illam dissipavimus, cognitaque causa, quam ex Ecclesiasticis legibus ad Nos detuleratis, legitimum Vobis Patriarcham constituimus Venerabilem Fratrem Simonem Evidium: confirmavimus quoque recentem Libaniticam Synodus, pluraque sacra disciplina, Ecclesiastique vestrī salutaria decrevimus, qua nostris Literis in forma Brevis expressa ad Vos attulit Dilectus Filius Jacobus a Luca Franciscana Observantium Familia Alumnus.

S. 1. Id omne gratum, debitateque obedientia acceptum Vos habuisse, & accuratissimè obseruaturos, e vestrī literis, atque ex authenticiis actis ad Nos transmissis libenter cognovimus, latamurque, hac obsequissima omnium vestrī voluntate, Vos Majorum exemplum sequutos, vicem Nobis reddidisse benevolentia, follicitudinis, benignitatis, qua utique Gentem vestrā complectimur.

S. 2. Sacro præterea Pallio donavimus ipsum Patriarcham Vestrū Simonem Evidium, annuentes vestrī precibus, quas & ille per Procuratorem suum Dilectum Filium Josephum Simonius Assemanum Prælatum nostrum Domesticum Nobis exhibuit. Facultatem simul ei contulimus impertiendi per se, aut per alium Episcopali dignitate fulgentem, Dilecto Clero, & Populo Maronitarum, eorumque domibus, agris, prædis, & bonis quibuscumque solemniter fœtus Benedictionem; iii verò utriusque sexus, qui per Poenitentia Sacramentum a peccatis expiat, & Sanctissima Eucharistia refecti, Benedictioni hujusmodi præsentes interfuerint, ut plenariam omnium peccatorum suorum Indulgentiam eadem Apostolica auctoritate Nostra largiri possit ac valeat. Ceteras præterea Indulgentias jampridem Nationi Vestrā legitimā auctoritate concessas nominatim confirmavimus.

S. 3. Habetis igitur paterna caritatis Nostra perpetuum monumentum; cui decus ac celebritatem addidit, quod hac omnia in Consistorio palam peregrimus, plura ibi de vestrā in Apostolicam Sedem observantia honorifice loquuti. Vestrū modo sit, beneficium nostrum tueri, positis animorum discordiis, Catholicaque Reli-

gione, quod haec tenus accuratè fecisti, integrim custodita. Quod ut alacrius peragatis, Apostolicam Benedictionem Vobis, Venerabiles Fratres, Vestrīque Gregibus peramanter imperitum.

Datum Romæ apud Sanctam Mariam Majorem
sub Annulo Piscatoris die xi. Aug. MDCCXLIV.
Pontificatus Nostri Anno Quarto.

J. Vincentius Lucchesinius.

Acta Consistorialia pro approbatione Synodi
super obedientia præfita Patriarchæ Antio-
cheno-Maronitarum: Cum concessione Pallii
dicto Patriarchæ.

In Consistorio Semipublico habito die 13. Julii 1744.

ARGUMENTUM.

Postquam R. P. D. Simon Petrus Evidius Pa-
triarcha Antiochenus, & Archiepiscopi, atque
Episcopi nationis Maronitarum, omnia quacumque
ipsiis Sanctissimus Dominus Noster BENEDICTUS
Papa XIV. per suas Apostolicas Literas in forma
Brevis die 1. Septembris 1741., 14. Februario
1742., 13. & 16. Martii 1743. injunxerat &
præceperat, exæste accurateque in Conventu Harissa
in Monte Libano mense Octobri anni 1743. ex-
equuti sunt; Synodicas Literas rerum gestarum seriem
completentes ad Sanctitatem suam, & ad Sacram
Congregationem de Propaganda Fide scripserunt,
quas Romanæ hoc anno 1744. die 31. Maii P. De-
siderius de Domo Basciana, P. Jacobi Lucensis
Ablegati Apostolici Secretarius, pertulit. His in
Literis significant, tetternum schisma, quod ex du-
plici in Patriarcham Maronitarum Electione consta-
tum fuerat, utroque Electo mandatis Pontificis ob-
temperante, penitus evanisse; ac Simonem Evi-
dium auctoritate Apostolica electum Patriarcham, ab
universis Maronitis exceptum fuisse: Synodi præ-
re, Montis Libani a Sanctitate Sua probata, ac
confirmata statuta, legesque sese adamassim servatu-
ros, Patriarcham ipsum, Archiepiscopos, & Epis-
copos coram antedicto Ablegato Apostolico spopondisse.

Tam lato accepero nuntio, Sanctissimus Dominus Noster statuit in proximo Consistorio facti tam memoriabilis seriem Fratribus suis Sanctæ Romane Ecclesie Cardinalibus palam facere; eaque insuper per-
agere, qua Electus Simon Petrus Patriarcha, &
Præfatus Maronite postulabant. Indictum itaque
fuit de more Secretum Consistoriorum die 13. Julii
1744., & peculiariter nomine Sanctitatis Sua per
R. P. Ignatium Reali primum Ceremoniarum Ma-
gistrum Collegis tam Episcoporum Pontificio Solio
Affilientium, quam Protonotariorum de numero
Participantium, nec non Reverenda Camera Apo-
stolica Procuratore Fisci bac de re admonitis, ea-
dem die, postquam in Secreto Consistorio Ecclesi-
rum propositiones, ac alia occurrentia negotia fuer-
ant absoleta, Aula Consistorialis foribus undequa-
que apertis, in illam, præter prædictos Prælatorum
ordines, quamplurimis etiam Nobilibus, & Colle-
giorum Pontificiorum Alumnis, aliisque Orientali-
bus, & præcipue Maronitis, introeundi potuit adi-
tus.

His dispositis, admonitusque Eminentissimis Ma-
rino, & Mosca antiquioribus ex prædictis San-
cta Romana Ecclesia Cardinalibus Diaconis, us
ad latus Sanctitatis Sua accederent, eidem Affilientes,
præcedentibus ad arcendum populum duobus
ex servientibus armorum, qui & Mazzieri
vocantur, ab uno ex DD. Ceremoniarum Ma-
gistris, per Aulæ portam è regione Pontificie Se-
dis in Consistoriorum introductis fuere D. Joeph
Andreas Scaramius Sacra Consistorialis Aulæ Ad-
vocatus, R. P. Joephus Simonius Assemanus Pro-
curator Electi Patriarchæ, & P. Desiderius de
Domo Basciana ab antedicto Ablegato Apostolico cum
literis

literis ejusdem Patriarchæ, & Præsalum Maronitarum in Urbem allegatus. Cum autem ante Consistoriale sciamnum anterius in Terragoni exiit in genua pro voluntate euentum, Dominus Scaramutius scilicet in medio, R. P. Assemanus a dextris, & P. Desiderius a sinistris, idem Dominus Scaramutius Sanctitatem Suam sic fuit alloquatus.

Allocutio D. Advocati Sacrae Aulæ Consistorialis.

B E A T I S S I M E P A T E R .

Habec SANCTITAS VESTRA ad sacros provolutum pedes Procuratorem Simonis Petri Electi Patriarcha Antiocheni Maronitarum. Nunciat idem Procurator, Reverendus nempe Pater Joseph Assemani, quid ante, quid post Electionem tum ab Electo Patriarcha, tum ab Archiepiscopis, & Episcopis dicta Nationis opportune gestum est, Deo Optimo Maximo auctuente piissimam SANCTITATIS VESTRAE voluntati, quam sicuti universis Catholicis gentibus prospicere inde sine cura, ita sapientissima dedit mandata, quibus Maronitas ad Religionis, ac disruptæ inter ipsos pacis tranquillitatem restituerunt; Et profert transmissa authenticæ documenta, SANCTITATI VESTRAE exhibenda, quibus hec omnia humillime significet, atque testetur.

Tum verò Sanctissimus de Maronitarum patria, origine, Patriarchatu, fide, & eximio in Sanctam Sedem obsequio præfatus, quid ante & post electionem Patriarcha in Monte Libano a Maronitis Præsulibus, & hic in Urbe a Sanctitate Sua gestum fuerit, ornatissima & doctissima hac Allocutione exposuit.

Allocutio Sanctissimi Domini Nostri.

Venerabiles Fratres.

ANTEQUAM Vos certiores faciamus de iis, qua contigerunt in electione Venerabilis Fratris Simonis Petri Patriarchæ Antiocheni, nonnulla Vobis in antecessum referre necesse est.

Non dubitamus eruditiori vestrae compertum esse, Maronitas Christianos Syros ad Patriarchatum Antiochenum pertinere: quippe qui Syriam, & Phœniciam maritimam ac mediterraneam, tum etiam Palæstinam, Cyprum, Ægyptum, aliasque Orientis partes incolunt; quorum tamen maxima pars in Monte Libano commoratur.

Eruditioni pariter vestrae notum esse censemus, quod saeculi septimi prope finem cum heresis Monothelitarum in Patriarchatum Antiochenum gravaretur, Maronites, quod se ab ea contagione integros servarent, statuerunt sibi Patriarcham eligere, qui a Romano Pontifice confirmaretur, ab eoque Pallii dignitatem acciperet. Cum autem, pluribus deinde facultus elapsis, Saraceni Antiochiam, depulsi inde Latinis, occupassent, cumque Latini ipsi Catholicæ in Montem Libanum, ubi a Patriarcha Maronitarum per benignè recepti sunt, secessissent; Alexander IV. Romanus Pontifex Patriarcham ipsum Maronitarum Antiocheni Patriarchæ titulum decoravit: quem quidem titulum ad hanc usque diem Patriarchæ Maronitas retinuerint, etiam in Monte Libano sedem perpetuam habuerint.

Profecti Maronita fuerunt semper, quales & hodie sunt, integre Catholicæ, cum hac Sancta Sede conjuncti, & erga suum Patriarcham, tum etiam erga Romanum Pontificem obsequii ac reverentia pleni. Cum autem homines sint, mirandum non est, aliquando humani quicquam inter eos accidisse, & accidere, in eo præsertim, quod eorum Patriarcham spectat.

Recordari potest unusquisque Vestrum, quid acciderit in Pontificatus felicis recordationis Clementis XI. qui, Patriarcha Jacobo deposito, cum injuriam præclaro illo Præsuli, tum etiam Apostolicae Sedis juribus, que electionem ejus confirmaverat, illatam nosset, Patrem Laurentium a Sancto Laurentio ex Minoribus Observantie, tum Sancti Sepulcri Custodem, deinde Sanctæ Romanae Ecclesiæ Cardinalem, eō misit, ut, auditis iis, qua Patriarcha opponerantur, ad hanc Sanctam Sedem illa referret. Quo facto, cum in Congregatione de Propaganda Fide fuisse res mature discussa, Congregatio ipsa, optimi Præsulís innocentia cognita, in Patriarchalem Sedem, unde fuerat iniuste dejectus, cum esse restituendum censuit. Cumque sententiam hanc Summus Pontifex ratam habuisset, ad optatum finem deducta res fuit. Quocirca Maronitæ hoc novum sua erga Romanam Sedem obedientiæ dederunt argumentum.

Pontificatus quidem nostri tempore nullus fuit, Deo favente, apud eos Patriarcha depositus. Sed aliud contigit, quod molestia non exigua animum nostrum affecit. Decessit anno millesimo septingentesimo quadragesimo secundo Josephus Petrus Gazenus Patriarcha: & cum Archiepiscopi, & Episcopi Maronitæ ad Successorem eligendum de more convenissent, in factiones duas divisi sunt; quarum altera elegit, seu postulavit Patriarcham Elsam Archiepiscopum Arceasem, altera Tobiam Archiepiscopum Cypri. Facile erit unicuique Vestrum animo concipere, qualis esset Maronitarum Catholicorum Montis Libani ex duplice illa electione conflictus animorum, ac perturbatio. Alii quidem uni, alii alteri electo adhærebant: & ecce dissensio, & schisma eō magis periculosum, quo magis regio illa ab Apostolica Sede remota est, & in medio Principum infidelium, immo, dici potest, in manibus Turcarum posita. Quare Nos ex his omnibus summam Catholicæ Religionis perniciem in ea regione metuebamus, in qua perpetuò, peculiari Dei gratiâ, incorrupta viguit.

Uterque electus, seu postulatus Romanæ Sedis auctoritatem imploravit: uterque nuntium ad Nos ablegavit, precibusque institut, ut, competitoris electione, seu postulatione rejecta penitus ac deleta, electionem, seu postulationem sui firmam ratamque haberemus, cum utraque pars opportuna ad id documenta, & bene longas facti & juris Scripturas a Patronis & Advocatis utriusque partis Romæ compositas Nobis exhibuisset.

Cum igitur de electione, aut postulatione in Oriente facta res ageretur, visum fuit Nobis expedire, ut Cardinales aliquot ex Congregatione Generali de Propaganda Fide feligerentur, qui coram Nobis congregati, utriusque competitoris jura rationesque accurate perspenderent, Examinitas itaque, quantâ potuit diligentia, pro utraque parte juribus, & rationibus, una eademque fuit Cardinalium sententia, neutram electionem, seu postulationem posse a Nobis ex praescripto Sacrorum Canonum admitti, seu confirmari. Ex quo autem neutra subsisteret, propositum fuit, an, & quænam ex illis a Nobis sanari, seu Apostolica auctoritate roborari debet. Sed communè pariter consensu decreatum est, nullam esse sanandam. Consultum fuit denique, quid consiliū in ejusmodi rerum statu capere expediret. Summa fuit, illud arbitrio, & prudentia nostra relinqui.

Observabantur animo nostro variae, & graves cogitationes propter ejusmodi rei difficultates, quæ passim occurabant. Communicatâ itaque re cum Venerabili Fratre nostro Vincentio Cardinali Petra Episcopo Prænestino, & Congregationis

de Propaganda Fide Praefecto, cuius doctrinæ, & spectatæ in rebus Canonicis intelligentiæ atque usus, præter tot præclara Opera edita, Nos certè Tefes sumus, cum sèpe, dum in minoribus essemus, frequenti cum eo congressu convenerimus; statim aliquorum Pontificum Prædecessorum nostrorum vestigiis insisteremus: qui licet sedulò caverent, ne jus alienum laderetur, neque electionum canonicularum jure privarentur, qui illud obtinebant, cum nihilominus animadverterent, electum, nullâ licet sui culpâ, Ecclesiae tamen bono minimè profuturum; aut pluribus electis, si alter alteri præferretur, turbas nequaquam sedari, sed magis augeri; neque inde pacem populorum regimini adeò necessariam sperari ullo modo posse; alium quidem extra electos, seu postulatos assumpserunt, sive assumptum probaverunt.

Quocirca illustre satis exemplum Nobis in Annalium Ecclesiasticorum monumentis occurrit. Defuncto S. Eustathio Patriarchâ Antiocheno, cùm Ariani quendam ex suis, Euzojum nomine, Catholici verò Meletium Patriarcham elegissent, Lucifer Calaritanus, & Eusebius Vercellensis Episcopus, qui id temporis in Oriente Sedis Apostolicæ legatione fungebatur, electionem utriusque nullam irritamque declararunt, & Patriarcham statuerunt Paulinum: id quod Summis Pontificibus Liberio, & Damaso confirmatum fuit, tum etiam Sancto Athanasio cum Ecclesia Alexandrina, & Divo Hieronymo, qui ab eodem Paulino ordinatus fuerat Presbyter, maximè probatum.

Hoc præclarum exemplum & Nos fecuti, ad elienda discordiarum semina, pacemque inter Maronitas conciliandam, Simonem Petrum Eudium Damasci Archiepiscopum in Patriarcham Antiochenum Maronitarum elegimus, & constituimus. Fuit Eudius Roma a puero in Collegio Maronitarum educatus, ibique liberalibus disciplinis institutus, clarum de se nomen reliquit. Est ille inter Episcopos Maronitas Decanus. Abarat longè a turbarum præsentium tumultu, quibus se minimè miscerat; seque ab omni ambitu alienum ostenderat, cùm omnem operam posuisset, ne Patriarcha eligetur. Hunc itaque Patriarchatu præ ceteris dignum censuimus, atque illi Patriarchæ dignitatem contulimus, spe fredi, hac ratione Nos Ecclæ illius bono maximè profuturos, & schisma omne penitus extinctum iri. Complures igitur Apostolicas Literas expediri mandavimus, easque Fratri Aloysio e Cafali majori ex Ordine Minorum de Observantia, in Collegio Sancti Bartholomæ ad Insulam lingua Arabica Lectori traditas, per ipsum deferri curavimus ad Patrem Jacobum Lucensem ejusdem Ordinis in Terra Sancta Visitatorem, & Vicarium Apostolicum, quem quidem Nos ad Maronitas Apostolicæ Sedi Alegatum constituimus. In iis autem Literis illud expressè declaravimus, hanc Patriarchæ electionem non a Nobis esse factam ad jus tollendum Episcopos Maronitis in futuris successivæ electionibus suorum Patriarcharum, sed ad dissensiones amputandas, eorumque Ecclesiæ pacem, ac tranquillitatem restituendum.

Ecce, quod Vobis exponendum erat, antequam Patriarchæ electi, tum Episcoporum, & Archiepiscoporum Maronitarum literæ, tum etiam documenta perlegerentur, ex quibus quidquid in ejusmodi re factum sit, facile intelligetis.

Expleta Santissimi Allocutione, R. P. Assemannus Procurator, & P. Desiderius Literas Patriarchæ, & Presulum Maronitarum in theca auro ornata repositas præ manibus gestans, comitate Cæreniarum Magistro, ad desculandum Sanctitatis Sua pedes, consuetis emissis genuflexionibus,

accessere. Et Assemannus quidem educetas è theca literas, ori prius in obsequi signum admotas, Sanctissimo Domino Nostro humillimè obtulit: Sanctissimus autem illas R. P. Vincentio Lucchesino Breviuum Apostolicorum ad Principes Secretario tradidit, ut prius Arabicæ a D. Andrea Scander, lingua Arabicæ in Urbis Archigymnasio, & in Collegio Urbano de Propaganda Fide Professore, atque Interpretæ, recitarentur; deinde Laine ab eodem R. R. Lucchesino. Inde vero præfati R. P. Assemannus, & P. Desiderius redeentes, in loco suo iuxta D. Advocatum Consistoriale genuflexi consisterunt; donec Literæ, quo bic impressæ sunt ordine, legerentur.

Archiepiscoporum, & Episcoporum Maronitarum Documentum.

IN NOMINE DOMINI AMEN.

Die septima mensis Octobris Anno 1743. hora quarta post meridiem, convenerunt Illustrissimi ac Reverendissimi Domini Archiepiscopi, & Episcopi Nationis Maronitarum in Ecclesia Sanctæ Marie, & Sanctorum Apostolorum Petri & Pauli Fratrum Minorum in Arissa, iussu Reverendissimi Patris Jacobi de Luca Ablegati Apostolici. Postquam autem idem Ablegatus antedictis Antistites adhortatus fuisset, eorumque animum ad hoc præparasset, ut debitam Decretis Sanctæ Sedis obedientiam, submissionemque exhiberent, invocato Sancto Spiritu iussit, primum quidem recitari, atque promulgari Ablegationis sua Breve Pontificium: deinde alterum Breve, quo Illustrissimorum ac Reverendissimorum Episcoporum Elia, & Tobias ad Antiochenum Nationis Maronitarum Patriarchatum Electiones irrite, ac nulla declarabantur. Tertium denique Breve, quo Simon Archiepiscopus Damasci a Summo Pontifice feliciter Regnante ad eumdem Patriarchatum ehebatur. Cumque hec Brevia omnes auditione accepissent, ut propensiiori quadam studio se obdientes, ac morigeros mandatis Pontificis ostenderent, illico ad Aram maximam, cuius in medio Illustrissimus ac Reverendissimus electus ac declaratus Patriarcha sedebat, fese contulere, eique tamquam suo Patriarchæ se subditos subiectosque professi sunt.

His quietè tranquilleque gestis, agitari cœptum est de modo ac tempore peragendæ publica Ecclesiastica Cœrenonia, qua ab ipsis in Patriarcharum inauguratione servari consuevit. Ea verò ad undecimum ejusdem mensis diem, Divino favente Numine, indicta fuit. Sacram autem illam functionem, qua majori optandum esset pace ac tranquillitate, circa horam diei septimam, in eadem Ecclesia inchoavit, perfecitque Illustrissimus ac Reverendissimus Dominus Elias, unà cum reliquis Illustrissimis ac Reverendissimis Archiepiscopis, & Episcopis, qui ut horum omnium indubium darent testimonium, præsentibus literis scripto chirographum, propriumque sigillum apposuerunt.

Datum in Arissa die 12. Octobris anno 1743.

Archiepiscopi, & Episcopi.

Elias Arcæ.
Philippus Lystræ.
Stephanus Botri.
Gabriel Prolemaidis.
Ignatius Tyri.
Joannes Beryti.
Michael Paneadis.
Tobias Neapolis.

Epistola

Epistola electi Patriarchæ ad Sanctissimum.
Sanctissimo ac Beatissimo Patri, ac Domino Nostro

B E N E D I C T O XIV.

P O N T I F I C I M A X I M O

Christi Domini Vicario, & Petri Apostoli Successori.

S A N C T I S S I M E P A T E R.

Ego Simon Petrus Evodius, olim Damasci Archiepiscopus, nunc vero miseratione Dei, & Sanctitatis Tua beneficio Patriarcha Antiochenus, flexis genibus ad purissimos tuos Pedes submissis ac reverenter provolutus, Beatitudini Tua expono, Apostolicas me literas accepisse, quibus mihi demandasti, ut Patriarchalem Nationis Maronitarum Dignitatem susciperem, Tua igitur ipsius gratia, & in obsequio Apostolici mandati tui, id munus suscepi, tametsi nihil esse in me cognoscere, quare hoc mihi beneficium conferatur, aut quo pacto humeris meis onus istud portare queam. Venerabiles autem Fratres mei Archiepiscopi, & Episcopi non modo non sunt mihi reliquati, sed summa potius cum reverentia & obsequio, subiectio-
nem, & obedientiam coram Reverendissimo Pa-
tre Jacobo de Luca, Sanctitatis Tua Ablegato, exhibuere. Oro itaque, quæque, pro tua illa Tibi infinita erga omnes benignitate singulari, ut coeleste mihi auxilium precibus tuis a Deo im-
plores, cujus in terris vices geris: sum etenim undequaque calamitatibus, ac molestis circum-
scriptus.

Porro nostrarum apud Sanctam Apostolicam Romanam Sedem caularum Procuratorem depu-
tavi, ac prefeci R. P. D. Josephum Assemanum, Virum in Ecclesia Dei celebritate nominis clara-
rum: qui Pallium confirmationis a Sanctitate Tua supplex nomine meo petat, impetrat, atque recipiat: Quam mihi gratiam in Apostolica literis, pro tua Te humanitate non degeneraturum significasti. Eidem vero Procuratori ante omnia mandavi, ut debitam Sanctitati Tua, & Apostolica Sedi, quam Orthodoxæ Fidei petra est, & fundamentum, sine quo salus æterna obtineri nequit, obedientiam omnino præstet; & quoniam mihi procul agenti, quantum vellem, & optarem, fas non est, ipse coram maximis Beatitudini Tua gratias verbis accuratissimis agat, de collato mihi Patriarchalis Dignitatis beneficio, deque acceptis muniberis omnibus, quæ ad bonæ memorie Successorum meum a Te transmissa fuerant: quæque per Ablegatum tuum sunt mihi tradita. His sancte donis incre-
dibilem tuum erga me amorem, ac singularem humanitatem, ut libenter agnosco, ita studio colam sempiterno.

Idem Ablegatus tuus recitavit mihi, & Ve-
nerabilibus Fratribus meis Archiepiscopis, & Episcopis, alias Apostolicas literas, quibus no-
stram Synodum in Monte Libano nuper cele-
bratam Sanctitas Tua confirmare dignata est. Reliqua præterea Decreta ad eam rem spectan-
tia, qua post confirmatam Synodum edita fure-
re. Hæc porro omnia, qua decet, animi sub-
missione & exceperimus, & probavimus: Nolque eadem ad exitum perducturos spopondimus: quod Apostolicis tuis Deo acceptis, gratisque precibus freti speramus.

Antequam autem Patriarchalem Dignitatem inire, orthodoxa Fidei Professionem, ac ju-
ramentum fidelitatis de more præscriptum emi-
si coram Venerabili Fratre meo Elia Masebi,
Archiepiscopo Arcensi, & coram Apostolico

Ablegato tuo, quem commissi sibi muneres par-
tes omnes prudenter, diligenter, accurateque implevisse testamur.

Obsecro itaque, ut me in tuorum servorum numerum amodo adscribas: sunt enim & alia quædam negotia, quæ ad Me, & ad nostram Antiochenam Sedem pertinent, quæque laudatus noster Procurator Sanctitati Tuæ est expo-
situs. Id quæso gratia mihi novellæ planta-
tuæ concede, ut quas ille nomine meo porrigeat, ne patiaris pro tua eximia, ac universum terrarum orbem complectente benignitate, ir-
ritas esse & inanes preces.

Ipsius vero Procuratoris mei rationem habere velis. Sunt enim magna illius in Apostolica Sedem merita, nec minora erga Antiochenam Ecclesiam nostram beneficia. Nos autem non fugit, extitisse quosdam, qui apud Sanctitatem Tuam ipsi labem infamia asperge-
re sunt conati. Te igitur etiam, atque etiam rogo, ut pro tua, quæ in universo mundo celebratur clementia, illius rationem habeas, neve fidem tribus eorum dictis, qui eidem aduersantur. Praæclara etenim, quæ gessit opera, animique ipsius candor, ac fervens Religionis studium, eundem declarant contra ius, & æquum ab adversariis insimulatum fuisse.

Hæc omnia, Sanctissime Pater, precibus a Te, quam possum, studiofissime contendeo, tuisque iterum sanctis pedibus demississima oscula defigens, Deum oro, & obtestor, ut ad multos Te annos sanum, & incoludem servet.

Datum in Conventu Arissæ in Chesroano die 12. Octobris Anno 1743.

Sanctitatis Tua humillimus, & obsequen-
tissimus Servus, & Creatura.

Simon Petrus Evodius Patriar-
cha Antiochenus.

Epistola Archiepiscoporum, & Episcoporum
ad Sanctissimum.

Sanctissimo ac Beatissimo Patri, ac Domino
Nostro

B E N E D I C T O XIV.

P O N T I F I C I M A X I M O

Christi Domini Vicario, & Petri Apostoli Successori.

S A N C T I S S I M E P A T E R.

Nos Archiepiscopi, & Episcopi Antiochenæ Sedi, Sanctitatis Vestrae Servi, ad puros Vestros Pedes submissi, ac reverenter provoluti significamus, Reverendissimum Patrem Jacobum de Luca Ablegatum Vestrum, statim atque huc pervenit, Apostolicas ad Nos literas Vestras pertulisse, quibus lectis & auditis, continuo Nos omnes Reverendissimo Domino Simoni Patriarchæ a Sanctitate Vestra constituto obedientiam exhibuimus, tanta cum animorum consensione, ut nemo nostrum contra vel hiscere, vel unum verbum proferre ausus sit. Idque in obsequio Sanctitatis Vestrae, & Sedi Apostolicæ: est enim Nobis exploratum, & computatum, Apostolicam Sedem esse Petram Orthodoxæ Fidei, quam a Majoribus nostris accepimus: Nolque universi parati sumus sanguinem nostrum in illius gratiam profundere. Gratias igitur Sanctitati Vestrae agimus, quæ possumus, maximas de Apostolica, quam nostri gessitis cura, in hoc præsertim calamito-
so rerum statu, in quo eramus constituti.

Idem Reverendissimus Ablegatus Vester, qui munere suo apud Nos prudenter, sapienter, ac studiofissime defunctus est, alias Nobis tra-

dedit Apostolicas literas Vestras, quibus Synodus nostram Libaniticam confirmatis: quas quidem literas, qua filios obsequientissimos decet, reverentia suscepimus: obsecrantes Deum Optimum Maximum, ut quae in ea Synodo sunt constituta, opere impleamus, quod sanctis precibus Vestris, & Apostolica Benedictione freti, Nos facturos speramus.

Quod reliquum est, Te etiam atque etiam, Beatus Pater, rogamus, ut antedicto Patriarchae nostro una cum reliquis consueritis spiritualibus munieribus Pallium confirmationis mitatis; atque iterum prono corpore ad terram procumbentes, Sanctos Pedes Vestros reverenter deosculamur, Deumque rogamus, ut Sanctitatem Vestram diu servet incolumem. Amen.

Datum in Conventu Arissae in Chefroano die undecima Octobris Anno Christi 1743.

Sanctitatis Vestra humillimi, & obsequientissimi Servi Archiepiscopi, & Episcopi

Elias Arcæ.

Philippus Lystræ.

Stephanus Botri.

Gabriel Ptolemaidis.

Ignatius Tyri.

Joannes Beryti.

Michael Pancadis.

Tobias Neapolis.

Absoluta antedictarum Episcoporum Arabica lectio, & Latina earumdem interpretatione, D. Advocatus Consistorialis hanc Allocutionem adiicit.

Allocutio D. Advocati Consistorialis.

Audivit ex his SANCTITAS VESTRA, quantâ Electus Patriarcha se gesserit humilitate simul, atque solerit: quantâ Archiepiscopi obedientia, ut quæ sibi per Literas in forma Brevis injuncta fuerunt, sedulò executioni mandarent. Dum ergo obsequientissimos sese Filios praestiterunt, paternam SANCTITATIS VESTRA exortant clementiam, ut Apostolicam, quatenus opus est, confirmationem iis omib[us], quæ in ipsorum Synodo tam ante, quam post receptam præfati Patriarchæ Electionem acta sunt, elargiri dignetur.

Post hæc Sanctissimus intermissam Allocutionem prosequens, Electum Patriarcham, & Praefules, totumque Maronitarum nationem, necnon ipsum Ablegatum Apostolicum, hoc laudum praæconio exornare, similque quæcumque ab ipsis in executionem Brevium Apostolicarum gesta fuerant, benigne approbare, & quatenus opus sit, Apostolica auctoritate confirmare dignatus est.

ALLOCUTIO SANCTISSIMI.

Intellexisti jam, Venerabiles Fratres, omnipotens Dei ope, Antiocheni Patriarchæ electioni finem summa cum pace impositum, & ea ratione, quam Nos, Deo ipso, ut putamus, inspirante, proposuimus. Simon Petrus Evodius Damasci Archiepiscopus ad Patriarchatum eventus est. Apostolica nostra Brevia singulari veneratione recepta sunt, & executioni mandata. Pater Jacobus Lucensis, Ablegatus Apostolicus, multa cum laude se gessit. Duo illi Praefules, Elias, & Tobias, qui, ut paulo ante audistis, in Patriarcham electi fuerant, vix auditæ Patriarchæ electione a Nobis factâ, statim acquievserunt; & ipsime Patriarcha sese subficientes, palam profecto fecerunt, quanta sit eorum erga hanc Sanctam Sedem obedientia. Commendatione pariter summâ digni sunt Archiepiscopi, & Praefules Maroniti, tum etiam rota Maronitarum gens. Proinde Nos amplissima illa elo-

gia, quibus Romani Pontifices Prædecessores nostri eam cohonestarunt, libenter subscribimus: cum Pius IV. in quibusdam suis Apostolicis Literis affirmaverit, tot millia hominum, quibus componitur, nunquam adorasse Baal; qui tamen hæreticis, & schismaticis circumfessi, semper tamen in Christiana Fide, & Catholica Religione constantes perfiterunt: cum Clemens VIII. hoc ipsum confirmaverit, addendo, Maronitas Romanæ Ecclesæ, Parenti omnium fidelium, & Magistra, semper obedientiam praestitisse: cum Paulus V. in suis Literis Maronitas rostralium similes esse dixerit, quod singulare Dei gratia, inter spinas infidelitatis in Oriente florenter: cum Urbanus VIII. in suis pariter Apostolicis Literis afferuerit, non concidisse Carmelitæ decus, neque extinctam esse Libani gloriam; quandoquidem Patriarcha, Praefules, & Sacerdotes Maroniti in Apostolica Sede, ac Romano Pontifice Divi Petri auctoritatem venerantur: cum denique Clemens XI. in suis Apostolicis Brevibus in lucem editis similia, & alia plurima in Maronitarum commendationem congescerit.

Utuntur Maroniti Ritu huic Sanctæ Sedi probato, quicke ad Ritum Romanum quamproxime accedit: cum & ipsi in azymo, non in fermentato confiant: Sacras Vestes ad Ecclesias Romanas formam adhibeant: Missas privatas, pluresque in diem super eodem Altari celebrant: neque in Missa aquam calidam, ut Graeci, apponant: cum denique soli Episcopi Confirmationis Sacramentum conferant: & novum Calendarium juxta correctionem Gregorianam apud eos in usu sit. Quare nonnulla legentes ipsorum monumenta ad Nos hac occasione transmisso, mirati sumus, quod quæ circa novum suum Patriarcham, licet ante ordinatum Episcopum, præstant, ea Consecratio nomine vocarent. At verò si conferantur, qua ipsi faciunt cum Patriarcha, qui Episcopus non sit, cum iis, quæ facere solent cum Patriarcha ad Episcopatum jam promoto, facile erit intelligere, hanc quidem non esse Ordinationem, neque veram Consecrationem, sed solemnem potius benedictionem, ac publicæ obedientiae protestationem, aut etiam Divini super ipsum Patriarcham, ejusque regnum auxili implorationem. Et sane apud nostrates quoque Auctores, immo in quibusdam Pontificum Romanorum Literis Ordinatio, & Consecratio pro benedictione, electione, ac solemni auguratione usurpantur. Neque verò apud illos id novum ac recens inventum: sed ritus, & ceremonia ex vetusto Ritu Syriaco de prompta: quemadmodum Petrus Maronitarum Patriarcha ad Leonem X. retulit, & in ultima Libanensi Synodo ab hac Sancta Sede confirmata, tantoque, ut audistis, plausu recepta, explicantur.

Ut verò eò revertamur, unde discessimus, primum Deo immortali, bonorum omnium datori, gratias, quantum possumus, ex corde agimus. Deinde quæcumque gesta sunt in executionem Brevium nostrorum ab Episcopis, & Archiepiscopis Maronitis pro Simone Evodio Damasci Archiepiscopo, & a Nobis Patriarcha Antiocheno per Literas Apostolicas constituto, approbamus, &, quatenus opus sit, auctoritate Apostolicâ confirmamus.

Praetexta Sanctissimi Allocutione, Dominus Saramius Advocatus Consistorialis instantissime eidem Pontifici pro Pallio supplicavit, in hac verba.

Instantia D. Advocati pro Pallio.

Non beneficentia Tua, PATER SANCTISSIME, hic finis est. Ecclesiam Antiochenam a dissidiis purgasti: Patriarcham ei dedisti acceptissimum, ac meritissimum: Quæ acta sunt, Tua benignitate, atque auctoritate confirmasti,

Supereft

ANNO
1744.

BENEDICTUS XIV. An. IV.

213 ANNO
1744.

Supereft nunc, ut quod complementum est, Patriarchalis Dignitatis, eidem pari humanitate concedas; Pallium scilicet de Corpore Beati Petri Apostolorum Principis sumptum, in quo Pastoralis Officii plenitudo continetur, & pro quo obtinendo idem Rev. Pater Joseph Assemani hic praeſens peculiari legitimo mandato suffultus, Elec*t*i Patriarcha Simonis Petri nomine, instanter, instantius, & instantissime supplicat.

Cui postulationi Sanctissimus Dominus Noster benignè annuit, inquiens.

ALLOCUTIO SANCTISSIMI.

Non semel hac nostrâ ætate Archiepiscopi, & Patriarchæ Orientales honore Pallii donati sunt. Consumili celebritate Pallium a Clemente XI. pro Patriarcha Alexandrino Nos postulavimus, & obtinuimus, cum inter Advo-
catos Confitoriales ageremus. Nos item ma-
nibus nostris eodem ornavimus Petrum Abrahamum Armenorum Catholicorum Patriarcham. Nos ipſi hoc anno ac Cyrrillum Patriarcham Antiochenum Græcorum Melchitarum electum illud solenni ritu misimus. Itaque libenter ad-
mittimus petitionem Pallii Nobis factam pro Si-
mone Petro Patriarcha Maronitarum electo, fla-
tim ac ipse Fidei professionem rurſus emiserit, erga hanc Sanctam Sedem juramento fidei de
more praſtitio.

Quin etiam uberiora tam erga ipsum Patriar-
cham electum, quam erga Clerum universum, & Populum Maronitarum, benevolentia Noſtræ argumenta exhibere cupientes, Pauli V. Præde-
cessoris Noſtri exemplo, qui peculiari ſuā Con-
ſtitutione ad Petrum Patriarcham Maronitarum Apostolicam Benedictionem misit, cum facultate Clero, & Populo Maronitarum benedicendi, & Indulgencias elargiendi, Nos quoque prædicto Simoni Patriarcha Apostolicam Noſtram Bene-
dictionem amantissimè impartimur, eique facul-
tatem tribuimus, ut five per ſe, five per alium Episcopali dignitate fulgentem, dilecto Clero ac Populo Maronitarum, eorumque domibus, agris, prædiis, & bonis quibuscumque, fo-
lenni ritu ſemel benedicere; iis verò utriusque ſexus, qui per Poenitentia Sacramentum a peccatis expiati, & Sanctissimâ Eucharistiâ refecti, benedictioni hujusmodi praefentes interfuerint, Plenariam omnium peccatorum ſuorum Indul-
gentiam, eadē auctoritate noſtrâ Apostolicâ largiri poſſit ac valeat.

Hac allocutione completa Procurator Generalis Sanctitatis Sua, & Camera Apostolica in Conſilio Cappa indutus ad RR. PP. Protonotarios & Notarios Apostolicos conversus, in hunc modum interpellavit.

Ego Johannes, Philippus Toppi Sanctissimi Domini Noſtri, & Camera Apostolica Procurator Generalis rogo vos omnes Protonotarios, & Notarios Apostolicos hic praefentes, ut de omnibus gestis a R. P. Simone Petro Elec*t*o Patriarcha Antiocheno, ut ex authenticeſi Literis ejusdem nuper lectis auditis; nec non de Actorum per eundem Electum Patriarcham, Archiepiscopos, & Episcopos gestorum approbatione, ac conſeſſione Pallii eidem Patriarcha Sanctissimo Domino Noſtro, Decretoque ſuper illius conſeſſione a Sanctitate Sua benignè edito, unum, ſeu plura, publicum, ſeu publica conficiatis Instrumentum, vel Inſtrumenta ad perpetuam rei memoriam.

Tunc antedictorum Protonotariorum Decanus Subdidit. Conficiemus. Et ad intimos Sanctitatis Sua Cubicularios conversus, dixit: Vobis Testibus.

Denique R. P. Assemani elec*t*i Patriarchæ Pro-
curator, pro singularibus a Sanctitate Sua collatis
beneficiis, ejusdem Patriarchæ nomine gratias ac-
turus, in hunc modum verba fecit.

Gratiarum actio nomine elec*t*i Pa-
triarchæ.

BEATISSIME PATER.

Non uno Tibi nomine Simon Petrus Evo-
dius, Consanguineus meus, a Te electus, & confirmatus Antiochenus Maronitarum Patriarcha, gratias agit immortales, & referet quotidie maximas. Nam Synodus Nationalem in Monte Libano Apostolica auctoritate celebra-
tam, cuius ipſe pars magna fuit, ejusque le-
ges, atque Constitutiones, quibus Ecclesiastica Disciplina facilis retineri poſſit, & omnis ſuſcip-
tio confuetudo rebus sacris prorsus amogetur, ſupremo Tuо judicio decretoque probasti, ra-
tas habuisti, fervandaque juſtiſti. Quin verò Maronitarum Archiepiscopi, & Episcopi duas in
factiones diſi, ac dupliſi electio ſue Nationis Patriarcha, ſchisma conſlaſſent, & Catholicum ſuum Gregem, Deo, & Apostolica Sedi fidissimum, in
dilectione adduxiſſent, ne per domeſticas discordias a vera pietate diſcederet, huic malo ſapientiſſime occurrere properaſti, deleta utraque illa in Patriarchalem Sedem illegitime cooptatione. Cu-
mulus denique eximia Tuæ in Maronitas om-
nes, & in ipſum præcipue Simonem Petrum, benevolentia ac benignitatis tum accessit, quum eundem, ad tantam Dignitatem non modo ſua ſtudia non conferentem, ſed ne cogitantem quidem, Patriarcham Antiochenum delegiſti, eique honorem Pallii de Corpore Beati Petri ſumpti, in quo Pastoralis officii plenitudo con-
tinetur, ſumma cum celebitate contulisti. Ve-
rum his omiſſis, qua tantopere testata vulga-
taque ſunt, illud plane verbi exprimere haud facile fuerit, quantum Sanctitati Tuæ debeat, quod cum ipſius, tum ſua Gentis fidem, & obedientiam tam diſerta oratione, tamque in-
comparabili eloquentia, laudum præconiis exor-
naſti. Quidquid autem hoc eft, quod nuper Maronitæ fecerunt, Tui unius nutus omnes in-
tuentes, & ſequentes; id Tibi, BEATISSIME PATER, omni jure debebatur propter immor-
talia Tuæ, tuorumque Civium erga illos bene-
ficia. Te enim admirante vehementiſſime, quod in tanta Dignitate vigil ſemper & intentus, quum maxima quæque torius Christiani orbis optime ac prudentiſſime regas atque disponas,
in rebus etiam Montis Libani mira diligentia atque ſedulitate, quaſi id Tibi ſolum agendum eſſet, verſeris. Bononiensem verò Civium Tuorum, qui de Maronitis optimè ſunt meriti, me-
moria nunquam apud ipſos conſeneſet: Gre-
gorii, inquam, tertii decimi Pontificis Maximi; Gabrieſi Palotti Cardinaliſ, primi Bononiæ Archiepiscopi; & Joannis Baptiſtæ de Lambertini Societatis Iesu, gentilis Tui, viři Digni-
tatum abdicatione clarissimi: quorū primus Collegium hic in Urbe pro Maronitis fundavit, ex quo Collegio, tanquam ex Equo Trojano, tot Patriarcha, Archiepiscopi, Episcopi, Abba-
tes, & praefati doctrina atque pietate Viri prodierunt: in quo etiam electus meus Patriarcha a prima ætate literis humanioribus eruditus, ceteras facultates, cum humanas, tum divinas ſumma cum laude eſt adsequutus. Alter ejusdem Collegii Protector, Tertius denique Re-
ctor, eum laborum curarumque ſuarum fructum retulere, ut complures insignis eruditioſis, exi-
miaeque probitatis Alumnos temporibus suis flo-
ruſſe gaudent. Hac igitur studiosè, diligenterque meus Patriarcha apud ſe cogitans, Tuorumque magnitudine meritorum inducitus, quod

Brve SSm
D. N. ad Jo-
ſeph. Patriar.
die 27. Sept.
1741.
Brve ejuf-
dem die 1.
Sept. 1741.,
& die 14.
Febr. 1742.
Brve ejuf-
dem die 13.
Mar. 1743.
& 17. April.
1744.

Brve ejuf-
dem die 16.
Mar. 1743.

Gregor. XIII.
Bul. in fun-
dat. Collegii
Maronitar.
di 27. junii
1584.
Gabriel
Card. Pal-
otti Protec-
tor Collegii
Maronit. ab
anno 1591. ad
annum 1597.
P. Jo. Bapti-
ſtæ de Lam-
bertini Soc.
Iesu, Rector
ejusdem Col-
leg. a die 17.
Jun. 1594. ad
diem 16. Feb.
1596.

olim

1744.
Concil.
Labb. Tom.
14. pag. 334.
Vide Epist.
Monach. S.
Maronis ad
Hormisianum
Papam Tom.
4. Concil.
Labb. pag.
1451. & Re
sponsionem
ejusdem Hor
misianum Tom.
5. Concil.
Labb. pag.
1452.

Pius IV.
Epist. ad
Moylem Ma
ronit. Pa
triarch. 1.
Sept. 1562.
Clem. VIII.
ad Sergium
Patriarch.
1. Aug. 1595.
Urban VIII.
ad Johann.
Patriarch.
30. Aug.
1625.
Clemens XI.
ad Jacobum
Patriarcham,
Episcopos,
& Maronitas
omnes 29.
Jan. 1721.
Breve SSimi
D. N. die 16.
Mar. 1743.
Innoc. III.
Bulla ad Hie
rentram Ma
ronitarum
Patriarcham
die 3. Jan.
1715.
Psalm. 79.

CHII.

De Applicatione Missæ Parochialis pro Populo,
Conventualis vero pro Benefactoribus Eccle
sia. Item de Divina Psalmodia cantu.

Venerabilibus Fratribus, Patriarchis, Archiepisco
pis, cunctisque locorum Ordinariis per
Itiam constitutis.

BENEDICTUS PAPA XIV.

Venerabiles Fratres, salutem, & Apostolicam
Benedictionem.

Pontifex Pa
storales fol
licitudines
cum Episco
pis libenter
communicat.

De applica
tione Miss.
Paroch. &
Conv. &c.
plura decre
ta edita a
Cong. Conc.

CUM semper oblatas Nobis occasiones Apo
stolica scripta dirigendi ad Fraternitates
Vestras libenter amplectimur, ut sincera No
stra erga Vos dilectionis argumenta frequenter
eluceant; tum vero majori animi alacritate id
ipsum praefarimus, quum ad excitandum Frater
nitatum Vestrum zelum pro conservazione re
cta disciplina in Clero regimini Vistro com
miso, praesentibus rerum aut temporum con
ditionibus commovemur. Nec enim impositum
imbecillitatem Nostræ omnium Ecclesiarum folli
citudinis onus aliter sustinere Nos posse confi
dimus, quam si Divini Cultus augmentum, at
que exactam Ecclesiasticarum Sanctionum in sin
gulis Diocesis custodiā, religiose vigilan
tium Pastorum cura, identidem inculcando,
commendemus.

§. 1. Hujus porro Epistola ad Vos scribenda
occasione Nobis atque argumentum in primis
præbet onus illud, quod omnibus animalium
curam gerentibus incumbit, applicandi Missam
Parochiale pro Populo ipsorum cura com
missio; tum etiam applicatio Missæ Conventualis,
qua pro Benefactoribus in genere facienda est
ab iis, qui Missas canunt in Ecclesiis Patriarcha
bus, Metropolitanis, Cathedralibus, & Colle
giatis; tum denique debitum psallendi, quo
tenentur Canonici prædictarum Ecclesiarum Cho
ro assistentes. Cujus quidem argumenti minimè
nova, sed a Scriptoribus frequenter habita tra
ctatio est; cumque ea res in hujus Alma Urbis
Nostræ Congregationibus, & potissimum in Con
gregatione Venerabilium Fratrum Nostrorum
S. R. E. Cardinalium Concilii Tridentini Inter
pretum, cuius Secretarii munere olim in minorib
bus constituti multos annos perfuncti sumus,
multoties discussa, ac definita fuerit; quamvis
earundem Congregationum Decreta plerunque
circa eam uniformia, & sibi consona prodierint,
eorumque Decretorum nonnulla etiam Pontificia
Prædecessorum Nostrorum approbationem & confirmationem meruerint; minimè tamen
mirandum est, eorum notitiam ad singulos
quoque Vestrum non adhuc pervenisse. Quapropter
non modo opportunum, verum etiam
necessarium duximus, Encyclicam hanc Epistola
lam ad Vos scribere, per quam, sublata de
mum diversarum, in quas Scriptores abierunt,
opinionum varietate, constans hujus Apostolica
eæ Sedis sententia prædictis de rebus cuiilibet
innotescat; & Fraternitatis Vestris quadam
veluti norma, ac regula suppetat, juxta quam
Synodales, aliasque Vestras circa præmissa Con
stitutiones, Ordinationes, seu Edicta, quorum
publicationem Vobis injungimus, dirigere va
leatis. Eorum vero exequitionem, dum, jux
ta ea, qua in præsentibus tenenda atque fer
vanda præscribimus, omni, qua decet, solli
citudine, ac vigilantia urgere studebitis, mi
nimè dubitandum Vobis erit, ne Statutorum
Vestrorum implemento obicem, aut moram
afferre valeant recursus ad hujus Nostræ Cu
riæ Tribunalia forsitan habendi; utpote quos
omnino rejicendos esse præcipimus, ac jubem
us: Quamobrem has ipsas Literas Nostras
in singulorum Tribunalium Reges asservari vo
lamus, atque ad earum præscriptum, tam ip
orum Tribunalium resolutions, quam de Ves
tris decretis, qua ipsi præsentibus inherentes
edituri estis, judicia, exigi & conferri man
dauis.

§. 2. Et quidem quod nuper enunciavimus,
Sacrosanctum Missæ Sacrificium a Pastoriis ani
marum applicari debere pro Populo ipsorum
cura commissio, id, veluti ex Divino præcepto
descendens, a Sacra Tridentina Synodo diferte
exprimitur sicc. 23. cap. 1. de Reformat. per hac
notabilita verba: Cum præcepto Divino manda
tum sit omnibus, quibus animalium cura commissa
est, oves suas agnoscere, pro his Sacrificium offerre:
Et quamvis minimè defuerint, qui per inanis,
& frivolas interpretationes hujusmodi obligationem a Sancta Synodo memoratam de
medio tollere, vel saltē extenuare contendent;
quum tamen relata Concilii verba satiæ clara
& perspicua sint, quumque prædicta Congre
gatio ejusdem Concilii interpretationi priva
tive præposita, constanter edixerit, eos quibus
animalium cura demandata est, non modo Sa
crificium Missæ celebrare, sed illius etiam fru
ctum medium pro Populo sibi commissio appli
care debere, nec illud pro aliis applicare, aut
pro hujusmodi applicatione eleemosynam perc
pere posse; quodque magis intereft, quum hec
intelligentia a Prædecessoribus Nostris Romanis
Pontificibus approbata fuerit, & confirmata;
nihil jam amplius ulli Vestrum desiderandum
supereft, ut eam amplecti, eidemque obsequi,
necon illius promptam executionem in Vestris
respective Diocesis omni studio procurare
debeat.

§. 3. Ne-

Quibus in
haerendo,
praesentes li
ter publis
cantur.

Appellatione
remota, ex
quendae.

Applicatio
Missæ Paro
ch. pro Po
pulo. Con
cili Trid. &
Sedis Ap. de
cretis san
cita.